

Zaihasrim b. Mohd Dawal

From: Unit Komunikasi Korporat
Sent: Thursday, July 13, 2017 9:45 AM
To: UUM - All Staff; UUM - All Students
Subject: UUM Lakar Sejarah Julung Kali Tersenarai QSWUR Top 50 Under 50



Unit Komunikasi Korporat
CORPORATE COMMUNICATION UNIT

Universiti Utara Malaysia

13 JULAI 2017 / 19 SYAWAL 1438H

=====

"UUM : UNIVERSITI PENGURUSAN TERKEMUKA"
(THE EMINENT MANAGEMENT UNIVERSITY)

UUM LAKAR SEJARAH JULUNG KALI TERSENARAI QSWUR TOP 50 UNDER 50



UUM ONLINE: Universiti Utara Malaysia terus melakar sejarah tersendiri apabila buat julung kali disenaraikan di kedudukan 101-150 QS World University Rankings (QSWUR) Top 50 Under 50 edisi keenam yang dikeluarkan pada hari ini.

Naib Canselor, Prof Dato' Seri Dr Mohamed Mustafa Ishak berkata, beliau bersyukur dan gembira di atas pencapaian terbaru UUM apabila berjaya disenaraikan dalam QSWUR Top 50 Under 50 itu.

Menurutnya, adalah sukar untuk mendapat tempat dalam senarai universiti terbaik dunia kerana ia melibatkan reputasi dan juga impak penyelidikan sesebuah universiti, justeru, penyenaian universiti di bawah usia 50 tahun adalah sesuatu yang amat mengagumkan.

"Terima kasih kepada semua warga UUM yang berterusan menunjukkan komitmen masing-masing untuk menjayakan agenda universiti, sekali gus membuktikan Pelan Strategik UUM yang dilaksanakan sejak 2010 sehingga kini mula membuahkan hasil dengan banyak kejayaan diperoleh universiti.

"Kejayaan demi kejayaan yang dikecapi merupakan satu sejarah buat UUM dan kita sebagai warga UUM patut merasa bangga kerana menjadi sebahagian daripada pencapaian ini," ujarnya.

Beliau juga berharap agar warga universiti terus berusaha untuk menjayakan agenda universiti yang lain kerana masih banyak lagi yang perlu dilaksanakan untuk meletakkan UUM sebaris dengan universiti-universiti ternama dunia.

Pada terbitan pertama 2012, QSWUR Top 50 Under 50 menyenaraikan universiti terbaik yang berusia di bawah 50 tahun berdasarkan keputusan QS World University Rankings terkini.



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.